

爾以是因緣或有說言犯四重禁謗方等經作五逆罪一闡提等悉有佛性或說言無善男子我於處處經中說言一人出世多人利益一國土中二轉輪王一世界中二佛出世無有是處一四天下八四天王乃至二他化自在天亦無是處然我乃說從閻浮提阿鼻地獄上至阿迦臘吒天我諸弟子聞是說已不辭我意唱言佛說無十方佛我亦於諸大乘經中說有十方佛

大般涅槃經卷第三十一

延聖經坊合字號

迦葉菩薩白佛言世尊云何執著佛言善男子如是之人若從他聞若自尋經若他故教於所著事不能放捨是名執著迦葉復言世尊如是執著爲是善耶是不善乎善男子如是執著不名爲善何以故不能摧壞諸疑網故迦葉復言世尊如是人者本自不疑云何說言不壞疑網善男子夫不疑者即是疑也世尊若有人謂須陀洹人不墮三惡是人亦當名著名疑善男子是可名定不得名疑何以故善男子譬如有人先見人樹後時夜行遙見杌根便生疑想人耶樹耶善男子如人先見比丘梵志後時於路逢見比丘即生疑想是沙門耶是梵志乎善男子如人先見牛與水牛後逢見牛便生疑想彼是牛耶是水牛乎善男子一切衆生先見二物後便生疑何以故心不了故我亦不說須陀洹人有墮三惡不墮三惡是人何故生於疑心迦葉言世尊如佛所說要先見已然後疑者有人未

大般涅槃經卷第三十二

迦葉菩薩品之二

三藏義無譏譯並請觀同譯藍蓮海
善男子如是諱訟是佛境界非諸聲聞緣覺所知若人於是生疑心者猶能摧壞無量煩惱如須弥山若於是中生決定者是名執著

見二種物時亦復生疑何等是耶所謂涅槃
世尊譬如有人路遇濁水然未曾見而亦生
疑如是水者深耶淺耶是人未見云何生疑
善男子夫涅槃者即是斷苦非涅槃者即是
苦也一切衆生見有二種見苦非苦苦非苦
者即是飢渴寒熱瞋喜病瘦安隱老壯生死
繫縛解脫恩愛別離怨憎聚會衆生見已即
便生疑當有畢竟遠離如是苦惱事不是故
衆生於涅槃中而生疑也汝意若謂是人先
來未見濁水云何疑者是義不然何以故是
人先於餘處見已是故於此未曾到處而後
生疑世尊是人先見深淺處時已不生疑於
今何故而復生疑佛言善男子本未行故所
以生疑是故我言不了故疑迦葉菩薩白佛
言世尊如佛所說疑即是著著即是疑爲是
誰耶善男子斷善根者迦葉言世尊何等人
輩能斷善根善男子若有聰明黠慧利根能
善分別遠利善友不聰正法不善思惟不如

合二

法住如是之人能斷善根離是四事心自思
惟無有施物何以故施者即是捨於財物若
施有報當知施主常應貧窮何以故子果相
似故是故說言無因無果若如是說無因無
果是則名爲斷善根也復作是念施主受者
及以財物三事無常無有停住若無停住云
得果以是義故無因無果若是說無因無
果當知是人能斷善根復作是念施者施時
有五事施受者受已或時作善或作不善而
是施主亦復不得善不善果如世間法從子
生果果還作子因即施主果即受者而是受
者不能以此善不善法令施主得以是義故
無因無果若是說無因無果當知是人能
斷善根復作是念無有施物何以故施物無
記若是無記云何而得善果報耶無善惡果
即是無記財若無記當知則無善惡果報是
故無施無因無果若如是說無因無果當知

是人能斷善根復作是念施者即意若是意者無見無對非是色法若非是色云何可施是故無施無因無果若如是說無因無果當知是人能斷善根復作是念施主若為佛像天像命過父母而行施者則無受者若無受者應無果報若無果報是為無因若無因者

合二

三

是為無果若如是說無因無果當知是人能斷善根復作是念無父無母若言父母是衆生因生衆生者理應常生無有斷絕何以故因常有故然不常生是故當知無有父母復作是念無父無母何以故若衆生身因父母有一人應具男女二根然無具者當知衆生非因父母復作是念非因父母而生衆生何以故眼見衆生不似父母謂身色心威儀遮止是故父母非衆生因復作是念一切世間有四種無一者未生名無如泥團時未有瓶用二者滅已名無如瓶壞已是名為無三者各異互無如牛中無馬馬中無牛四者畢竟

名無如兔角龜毛衆生父母亦復如是同此四無若言父母衆生因者父母死時子不必死是故父母非衆生因復作是念若言父母衆生因者應因父母常生衆生然而復有化生溼生是故當知非因父母生衆生也復作是念自有衆生非因父母而得生長譬如孔雀聞雷震聲而便得身又如青雀飲雄雀喙而便得身如命命鳥見雄者舞即便得身依是念時如其不遇善知識者當知是人能斷善根復作是念一切世間無善惡果何以故有諸衆生具十善法樂行惠施勤修功德是人亦復疾病集身中年夭喪財物損失多諸憂苦有行十惡慳貪嫉妬懶惰憇怠不修諸善身安無病終保年壽多饒財寶無諸愁苦是故當知無善惡果復作是念我亦曾聞諸聖人說有人修善命終墮三惡道有人行惡命終生人天中是故當知無善惡果復作是念一切聖人有二種說或說殺生得善果報

或說殺生得惡果報是故當知聖說不定聖
若不定我云何定是故當知無善惡果復作
是念一切世間無有聖人何以故若言聖人
應得正道一切衆生具煩惱時修正道者當
知是人正道煩惱一時俱有苦一時有當知
正道不能破結若無煩惱而修道者如是正

合二

四

道爲何所作是故具煩惱者道不能攘不具
煩惱道則無用是故當知一切世間無有聖
人復作是念無明緣行乃至生緣老死是十
二因緣一切衆生等共有之八聖道者其性
平等亦應如是一人得時一切應得一人修
時應一切苦滅何以故煩惱等故而今不得

是故當知無有正道復作是念聖人皆有同
凡夫法所謂飲食行住坐卧睡眠喜笑覬渴
寒熱憂愁恐怖若同凡夫如是事者當知聖
人不得聖道若得聖道應當求斷如是等事
如是等事如其不斷當知無道復作是念聖
人有身受五欲樂亦復罵辱撻打於人嫉妬

憍慢受於苦樂作善惡業是因緣故知無聖
人若有道者應斷是事是事不斷當知無道
復作是念多憐憫者名爲聖人何因緣故名
爲聖人道因緣故名爲聖人若道性憐憫便
應憫念一切衆生不待修己然後方得如其
無憫何故聖人因得聖道能憐憫耶是故當
知世無聖道復作是念一切四大不從因生
衆生等有是四大性不觀衆生是邊應到彼
不應到若不聖道性應如是然今不爾是故
當知世無聖人復作是念若諸聖人有一涅
槃當知是則無有聖人何以故不可得故常
住之法理不可得不可取捨若諸聖人涅槃

合二

五

多者是則無常何以故可數法故涅槃若一
人得時一切應得涅槃若多是則有邊云
何名常若有說言涅槃體一解脫是多如蓋
是一牙舌是多是義不然何以故一一所得
非一切得亦有邊故是應無常若無常者云
何得名爲涅槃耶涅槃若無誰爲聖人是故

當知無有聖人復作是念聖人之道非因緣得若聖人道非因緣得何故一切不作聖人若一切人非聖人者當知是則無有聖人及以聖道復作是念聖說正見有二因緣一者從他聞法二者內自思惟是二因緣若從緣生所從生者復從緣生如是展轉有無窮過若是二事不從緣生一切衆何故不得作是觀時能斷善根善男子若有衆生深見如是無因無果是人能斷信等根善男子斷善根者非是下劣愚鈍之人亦非天中及三惡道破僧亦余迦葉菩薩白佛言世尊如是之人何持當能還生善佛言善男子是人二時還生善根初入地獄出地獄時善男子善有三種過去現在未來若過去者其性自滅因雖滅盡果報未熟是故不名斷過去果斷三世因故名爲斷迦葉菩薩白佛言世尊若斷三世因名斷善根斷善根人即有佛性如是佛性爲是過去爲是現在爲是未來爲徧三世

若過去者云何名常佛性亦常是故當知非過去也若未來者云何名常何故佛說一切衆生必定當得若必定得云何言斷若現在者復云何常何故復言必定可見如來亦說佛性有六一常二真三實四善五淨六可見若斷善根有佛性者則不得名斷善根也若無佛性云何復言一切衆生悉有佛性若言佛性亦有亦斷云何如來復說是常佛言善男子如來世尊爲衆生故有四種答一者定答二者分別答三者隨問答四者置答善男子云何定答若問惡業得善果耶不善果乎是應定答得不善果善亦如是若問如來一合二六

一切智不是應定答是一切智若問佛法是清淨不是應定答必定清淨若問如來弟子如法住不是應定答有如法住是名定答云何分別答如我所說四真諦法云何爲四苦集滅道何謂苦諦有八苦故名曰苦諦云何集諦五陰因故名爲集諦云何滅諦貪欲瞋癡

畢竟盡故名爲滅諦云何道諦三十七助道法名爲道諦是名分別答云何隨問答如我所說一切法無常復有問言如來世尊爲何法故說於無常答言如來爲有爲法故說無常無我亦尔如我所說一切法燒他又問言如來世尊爲何法故說一切燒答言如來爲貪癡說一切燒善男子如來十力四無所得大慈大悲三念處首棱嚴等八萬億諸三昧門三十二相八十種好五智印等三万五千諸三昧門金剛定等四千二百諸三昧門方便三昧無量無邊如是等法是佛佛性如是佛性則有七事一常二我三樂四淨五真六實七善是名分別答善男子後身菩薩佛性有六一常二淨三真四實五善六少見是名分別答如汝先問斷善根人有佛性者亦有如來佛性亦有後身佛性是二佛性障未來故得名爲無畢定得故得名爲有是名分別答如來佛性非過去非現在非未來後身佛

性現在未來少可見故得名現在未具見故名爲未來如來未得阿耨多羅三藐三菩提時佛性因故亦是過去現在未來果則不爾有是三世有非三世後身菩薩佛性因故亦是過去現在未來果亦如是是名分別答九住菩薩佛性六種一常二善三真四實五淨六可見佛性因故亦是過去現在未來果亦如是是名分別答八住菩薩下至六住佛性五事一真二實三淨四善五可見佛性因故亦是過去現在未來果亦如是是名分別答五住菩薩下至初住佛性五事一真二實三淨四可見五善不善善男子是五種佛性六種佛性七種佛性斷善根人必當得故故得言有是名分別答若有說言斷善根者定有佛性定無佛性是名置答迦葉菩薩言世尊我聞不答乃名置答如來今者何因緣答而名置答善男子我亦不說置而不答乃說置答善男子如是置答復有二種一者遮止二

者莫著以是義故得名置答迦葉菩薩白佛言世尊如佛所說云何名因亦是過去現在未來果亦過去現在未來非是過去現在未來佛言善男子五陰二種一者因二者果是因五陰是過去現在未來是果五陰亦是過去現在未來善男子一切無明煩惱等結悉是佛性何以故佛性因故從無明行及諸煩惱得善五陰是名佛性從善五陰乃至獲得阿耨多羅三藐三菩提是故我於經中先說衆生佛性如雜血乳血者即是無明行等一切煩惱乳者即是善五陰也是故我說從諸煩惱及善五陰得阿耨多羅三藐三菩提如衆生身皆從精血而得成就佛性亦尔須陀洹人斯陀含人斷少煩惱佛性如乳阿那含人佛性如酪阿羅漢人猶如生酥從辟支佛至十住菩薩猶如熟酥如來佛性猶如醍醐善男子現在煩惱爲作障故令諸衆生不得覩見如香山中有忍辱草非一切牛皆能得

合二

八

食佛性亦尔是名分別答迦葉菩薩白佛言世尊五種六種七種佛性若未來有者云何說言斷善根人有佛性耶佛言善男子如諸衆生有過去業因是業故衆生現在得受果報有未來業以未生故終不生果有現在煩惱若無煩惱一切衆生應當了了現見佛性是故斷善根人以現在世煩惱因緣能斷善根未來佛性力因緣故還生善根迦葉言世尊未來云何能生善根善男子猶如灯目雖復未生亦能破闇未來之生能生衆生未來佛性亦復如是是名分別答迦葉菩薩白佛言世尊若言五陰是佛性者云何說言衆生佛性非內非外佛言善男子何因緣故如是失意我先不說衆生佛性是中道耶迦葉言世尊我實不失意直以衆生於此中道不能解故故發斯問善男子衆生不解即是中道或時有解或有不解善男子我爲衆生得開解故說言佛性非內非外何以故凡夫衆生

或言佛性住五陰中如器中有果或言離陰而有猶如虛空是故如來說於中道衆生佛性非內六入非外六入內外合故名爲中道是故如來宣說佛性即是中道非內非外故名中道是名分別答復次善男子云何名爲非內非外善男子或言佛性即是外道何以

合二

九

故菩薩摩訶薩於無量劫在外道中斷諸煩惱調伏其心教化衆生然後乃得阿耨多羅三藐三菩提是以佛性即是外道或言佛性即是內道何以故菩薩雖於無量劫中修習外道若離內道則不能得阿耨多羅三藐三菩提是以佛性即是內道是故如來遮此二邊說言佛性非內非外亦名內外是名中道復次善男子復有說言佛性是外謂檀波羅蜜從檀波羅蜜得阿耨多羅三藐三菩提是以說言檀波羅蜜即是佛性或有說言佛性是內謂五波羅蜜何以故離是五事當知則無佛性因果是以說言五波羅蜜即是佛性是故如來遮此二邊說言佛性非內非外亦內亦外是名中道復次善男子或有說言佛性在內譬如力士額上寶珠何以故常樂我淨如寶珠故是以說言佛性在內或有說言佛性在外如貧寶藏何以故方便見故

故如來遮此二邊說言佛性非內非外亦名內外是名中道復次善男子或有說言佛性即是內善思惟何以故離善思惟則不能得阿耨多羅三藐三菩提故是故佛性即是內善思惟或有說言佛性即是從他聞法何以故從他聞法則能內善思惟若不聞法則無思惟是以佛性即是從他聞法是故如來遮此二邊說言佛性非內非外亦名內外是名中道復次善男子復有說言佛性是外謂檀波羅蜜從檀波羅蜜得阿耨多羅三藐三菩提是以說言檀波羅蜜即是佛性或有說言佛性是內謂五波羅蜜何以故離是五事當知則無佛性因果是以說言五波羅蜜即是佛性是故如來遮此二邊說言佛性非內非外亦內亦外是名中道復次善男子或有說言佛性在內譬如力士額上寶珠何以故常樂我淨如寶珠故是以說言佛性在內或有說言佛性在外如貧寶藏何以故方便見故

佛性亦尗在衆生外以方便故而得見之是故如來遮此二邊說言佛性非內非外是名中道善男子衆生佛性非有非無所以者何佛性雖有非如虛空何以故世間虛空雖以無量善巧方便不可得見佛性可見是故雖有非如虛空佛性雖無不同兔角何以故龜

合二

十

毛兔角雖以無量善巧方便不可得生佛性可生是故雖無不同兔角是故佛性非有非無亦有亦無云何名有一切悉有是諸衆生不斷不滅猶如燈燄乃至得阿耨多羅三藐三菩提是故名有云何名無一切衆生現在未有一切佛法常樂我淨是故名無有無合故即是中道是故佛說衆生佛性非有非無善男子若有人問是種子中有果無果耶應定答言亦有亦無何以故離子之外不能生果是故名有子未出牙是故名無以是義故亦有亦无所以者何時節有異其體是一衆生佛性亦復如是若言衆生中別有佛性是

義不然何以故衆生即佛性佛性即衆生直以時異有淨不淨善男子若有問言是子能生果不是果能生子不不應定答言亦生不生世尊如世人說乳中有酪是義云何善男子若有說言乳中有酪是名執着若言無酪是名虛妄離是二事應定識言亦有亦無何故名有從乳生酪因即是乳果即是酪是名爲有云何名無色味各異服用不同熱病服乳下病服酪乳生冷病酪生熱病善男子若是言乳中有酪性者乳即是酪酪即是乳其性是一何因緣故乳在先出酪不先生若有因緣一切世人何故不說若無因緣何故酪不

合二

十

先出若酪不先出誰作次第乳酪生酥熟酥醍醐是故知酪先無今有若先無今有是無常法善男子若有說言乳有酪性能生於酪水無酪性故不生酪是義不然何以故水草亦有乳酪之性所以者何因於水草則出乳酪若言乳中定有酪性水草無者是名虛妄

何以故心不等故故名虛妄善男子若言乳中定有酪者酪中亦應定有乳性何因緣故乳中出酪酪不出乳若無因緣當知是酪本無今有是故智者應言乳中非有酪性非無酪性善男子是故如來於是經中說如是言一切衆生定有佛性是名爲着若無佛性是名虛妄智者應說衆生佛性亦有亦無善男子四事和合生於眼識何等爲四眼色明欲是眼識性非眼非色非明非欲從和合故便是眼識本無今有已有還無是故當知無有本性乳中酪性亦復如是若有說言水無酪性故不出酪是故乳中定有酪性是義不然何以故一切諸法異因異果亦非一因生一切果非一切果從一因生善男子如是四事生於眼識不可復說從此四事應生耳識善男子離於方便乳中得酪酪出生酥不得如是要須方便善男子智者不可見離方便從乳得酪謂得生酥亦應如是離方

便得善男子是故我於是經中說因生故法有因滅故法無善男子如鹽性鹹能令非鹹使鹹若非鹹物先有鹹性世人何故更求鹽耶若先無者當知先無今有以餘緣故而得鹹也若言一切不鹹之物皆有鹹性微故不知由此微性鹽能令鹹若本無性雖復有益不能令鹹譬如種子自有四大緣外四大而得增長牙莖枝葉蓋性亦爾者是義不然何以故不鹹之物先有鹹性者鹽亦應有微不鹹性是鹽若有如是二性何因緣故離不鹹物不可獨用是故知鹽本無二性如鹽一切不鹹之物亦復如是若言外四大種力能增
合二十二

長內四大者是義不然何以故次第說故不從方便乳中得酪生酥乃至一切諸法皆不^{十一}如是非方便得四大亦復如是若說從外四大增內四大不見從內四大增外四大如尸利沙果先無形質見昴星時果則出生足長五寸如是果實不因於外四大而增善男子

如我所說十二部經或隨自意說或隨他意說或隨自他意說云何名爲隨自意說如五百比丘問舍利弗大德佛說身因何者是耶舍利弗言諸大德汝等亦各得正解脫自應識之何緣方作如是問耶有比丘言大德我未獲得正解脫時意謂無明即是身因作是觀時得阿羅漢果復有說言大德我未獲得正解脫時謂愛無明即是身因作是觀時得阿羅漢果或復說言行識名色六入觸受愛取有生飲食五欲即是身因尔時五百比丘各各自說已所解已共往佛所稽首佛足右遶三匝礼拜畢已却坐一面各以如上已所解義向佛說之舍利弗白佛言世尊如是諸人誰是正說誰不正說佛告舍利弗善哉善哉一一比丘無非正說舍利弗言世尊佛意云何佛言舍利弗我爲欲界衆生說言父母即是身因如是等經名隨自意說云何名爲隨他意說如把吒羅長者來至我所作如是

言瞿曇汝知幻不若知幻者即大幻人若不知者非一切智我言長者知幻之人名幻人耶長者言善哉善哉知幻之人即是幻人佛言長者舍衛國內波斯匿王有旃陀羅名曰悉噦汝知不耶長者答言瞿曇我久知之佛言汝久知者可得即是旃陀羅不長者言瞿曇我雖知是旃陀羅然我此身非旃陀羅佛言長者汝得是義知旃陀羅非旃陀羅我今何故不得知幻而非幻耶長者我實知幻知幻人知幻果報知幻技術我知殺知殺人知殺果報知殺解脫乃至知邪見知邪見人知邪見果報知邪見解脫長者若說非幻之人名爲幻人非邪見人說邪見人得無量罪長者言瞿曇如汝所說我得大罪我今所有悉以相上幸莫令彼波斯匿王知我此事佛言長者是罪因緣不必失財乃當因是墮三惡道是時長者聞惡道名心生恐怖白佛言聖人我今失意獲得大罪聖人今者是一切智

應當了知獲得解脫我當云何得脫地獄餓鬼畜生尔時我爲說四真諦長者聞已得湧陀洹果心生慙愧向佛懺悔我本愚癡佛非幻人而言是幻我從今日歸依三寶佛言善哉善哉長者是名隨他意說云何名爲隨自他說如我所說如一切世間智者說有我亦

說有智者說無我亦說無世間智人說五欲樂有無常苦無我可斷我亦說有世間智人說五欲樂有常我淨無有是處我亦如是說無是處是名隨自他意說善男子如我所說十住菩薩少見佛性是名隨他意說何故名少見十住菩薩得首楞嚴等三昧三千法門是故了了自知當得阿耨多羅三藐三菩提不見一切衆生定得阿耨多羅三藐三菩提是故我說十住菩薩少分見佛性善男子我常宣說一切衆生悉有佛性是名隨自意說一切衆生不斷不滅乃至得阿耨多羅三藐三菩提是名隨自意說一切衆生悉有佛性

合二

十四

煩惱覆故不能得見我說如是汝說亦余是名隨自他意說善男子如來或時爲一法故說無量法如經中說一切梵行因善知識一切梵行雖無量說善知識則已攝盡如我所說一切惡行雖無量說因一切惡行因雖無量若說邪見則已攝盡或說阿耨多羅三藐三菩提信心爲因是菩提因雖復無量若說信心則已攝盡善男子如來雖說無量諸法以爲佛性然不離於陰入界也善男子如來說法爲衆生故有七種語一者因語二者果語三者因果語四者喻語五者不應語六者世疏布語七者如意語云何名因語現在因中說未來果如我所說善男子汝見衆生樂殺乃至樂行邪見當知是人即地獄人善男子若有衆生不樂殺生乃至邪見當觀是人即是天人是名因語云何果語現在果中說過去因如經中說善男子如汝所見貧窮衆生顏貌醜陋不得自在當知是人定有破戒

妬心瞋心無慙愧心若見衆生多財巨富諸根完具威德自在當知是人定有戒施精勤慚愧無有妬瞋是名果語云何因果語如經中說善男子衆生現在六入觸因是名過去業果如來亦說名之為業是業因緣得未來果是名因果語云何喻語如說師子王者即

合二

五

喻我身大象王大龍王波利質多羅樹七寶聚大海須弥山大地大鷲船師導師調御丈夫力士牛王婆羅門沙門大城多羅樹如是喻經名為喻語云何不應語我經中說天地可合河不入海如為波斯匿王說四方山來如為鹿子母優婆夷說若娑羅樹能受八戒則得受於人天之樂寧說十住菩薩有退轉心不說如來有二種語寧說須陀洹人墮三惡道不說十住有退轉心是名不應語云何世流布語如佛所說男女大小去來坐卧車乘房舍瓶衣衆生常樂我淨軍林城邑幻化合散是名世流布語云何如意語如我呵責

毀禁之人令彼自責護持禁戒如我讚歎須陀洹人令諸凡夫生於善心讚歎菩薩為令衆生發菩提心說三惡道所有苦惱為令修習諸善法故說一切燒唯為一切爲法故無我亦余說諸衆生悉有佛性為令一切不放逸故是名如意語善男子如來復有隨自意語如來佛性則有二種一者有二者無有者所謂三十二相八十種好十力四無所畏三念願大慈大悲首棱嚴等無量三昧金剛等無量三昧方便等無量三昧五智等無量三昧是名為有無者所謂如來過去諸善不善無記業因緣報煩惱五陰十二因緣是名為無善男子如有無毒不善有渴無渴世間非世間聖非聖有爲非爲實不實寂靜非寂靜諍非諍界非界煩惱非煩惱取非取受記非受記有非有三世非三世時非時常無常我無我樂無樂淨無淨色受想行識非色受想行識內入非內入外入非外入十二因緣非

十二因緣是名如來佛性有無乃至一闡提
佛性有無亦復如是善男子我雖說言一切
衆生悉有佛性衆生不解佛如是等隨自意
語善男子如是語者後身菩薩尚不能解况
於二乘其餘菩薩善男子我往一時在耆闍
崛山與弥勒菩薩共論世諦舍利弗等五百

合二

聲聞於是事中都不識知何況出世第一義
諦善男子或有佛性一闡提有善根人或
有佛性善根人有一闡提無或有佛性人
俱有或有佛性二人俱無善男子我諸弟子
若解如是四句義者不應難言一闡提人定
有佛性定無佛性若言衆生悉有佛性是名

魚受惡業故身重處淺暫見光明因光故暫
出重故還沒出已則住者謂城外魚身處淺
水樂見光明故出已住偏觀四方者所謂錯
魚爲求食故偏觀四方是故觀方觀已行者
謂是錯魚遙見餘物謂是可食疾行趣之故
觀已行行已復住者是魚趣已既得可食即
便停住故行已復住水陸俱行者即是龜也
善男子如是微妙大涅槃河其中亦有七種
衆生從初常沒乃至第七或入或出常沒者
有人聞是大涅槃經如來常住無有變易常
樂我淨終不畢竟入於涅槃一切衆生悉有
佛性一闡提人謗方等經作五逆罪犯四重

合二

禁必當得成菩提之道湏陀洹斯陀含阿那
含阿羅漢辟支佛等必當得成阿耨多羅三
藐三菩提聞是語已生不信心即作是念作
是念已便作是言是涅槃典即外道書非是
佛經是人余時遠離善友不聞正法雖時得
聞不能思惟雖復思惟不思善不思惟善故

如惡法住惡法住者則有六種一者二者無善三者汙法四者增有五者惱熱六受惡果是名爲沒何故名沒無善心故常行惡故不修對治故是名爲沒惡者聖人呵責故心生怖畏故善人遠離故不益衆生故是名爲惡無善者能生無量惡果報故常爲無明所纏繞故樂與惡人爲等侶故無有修善諸方便故其心倒常錯謬故是名無善汙法者常汙身口故汙淨衆生故增不善業故遠離善法故是名汙法增有者如上三人所行二法能增地獄畜生餓鬼不能修習解脫之法身口意業不厭諸有是名增有惱熱者是人具行如上四事能令身心二事煩惱遠離寂靜則名爲熱受地獄報故名爲熱燒諸衆生故名爲熟燒諸善法故名爲熟善男子信心清涼是人不具是故名熟受惡果者是人具足行上五事死隨地獄餓鬼畜生善男子有三惡事復名惡果一者煩惱惡二者業惡三者

報惡是名受惡果報善男子是人具足如上六事能斷善根作五逆罪能犯四重能謗三寶用衆僧物能作種種非法之事是因緣故沈沒在於阿鼻地獄所受身形縱廣八万四千由延是身口心業重故不能得出何以故其心不能生善法故雖有無量諸佛出世不聞不見故名常沒如恒河中大魚善男子我雖復說一闡提等名爲常沒復有常沒非一闡提何者是耶如人爲有修施戒善是名常沒善男子有四善事獲得惡果何等爲四一者爲勝他故讀誦經典二者爲利養故受持禁戒三者爲他屬故而行布施四者爲於非想非非想處故繫念思惟是四善事得惡果報若人修集如是四事是名沒已還出出已還沒何故名沒樂三有故何故名出以見明故明者即是聞戒施定何故還沒增長邪見生憍慢故是故我於經中說偈

卷二十六

若有衆生樂諸有爲有造作善惡業

是人迷失涅槃道 行於黑闇生死海 是人還受惡果報
是人迷失涅槃道 是名暫出還復沒 雖得解脫離煩惱
善男子如彼大魚因見光故暫得出水其身
重故還復沉沒如上二人亦復如是善男子
或復有人樂著三有是名爲沒得聞如是大
涅槃經生於信心是名爲出何因緣故名之
爲出聞是經已遠離惡法修習善法是名爲
出是人雖信亦不具足何因緣故信不具足
是人雖信大般涅槃常樂我淨言如來身無
常無我無樂無淨如來則有二種涅槃一者
有爲二者無爲有爲涅槃無常樂我淨無爲
涅槃有常樂我淨雖信佛性是衆生有不必
一切皆悉有之是故名爲信不具足善男子
信有二種一者信二者求如是之人雖復有
信不能推求是故名爲信不具足信復有二
一從聞生二從思生是人信心從聞而生不
從思生是故名爲信不具足復有二種一信

合二

十九

有道二信得者是人信心唯信有道都不信
有得道之人是故名爲信不具足復有二種
一者信正二者信邪言有因果有佛法僧是
名信正言無因果三寶性異信諸邪語富蘭
那等是名信邪是人雖信佛法僧寶不信三
寶同一性相雖信因果不信得者是故名爲
信不具足是人成就不具足信所受禁戒亦
不具足何因緣故名不具足因不具故所得
禁戒亦不具足復何因緣名不具足戒有二
種一威儀戒二從戒戒是人雖具威儀等戒
不具從戒戒是故名爲戒不具足復有二種
一者作戒二者無作戒是人雖具作戒不具
無作戒是故名爲戒不具足復有二種一從
身口得於正命二從身口不得正命是人雖
從身口不得正命是故名爲戒不具足復有
二種一者求戒二者捨戒是人雖具求有之
戒不得捨戒是故名爲戒不具足復有二種
一者隨有二者隨道是人雖具隨有之戒不

具隨道是故名爲戒不具足復有二種一者善戒二者惡戒身口意善是名善戒牛戒狗戒是名惡戒是人深信是二種戒俱有善果是故名爲戒不具足是人不具信戒二事所修多聞亦不具足云何名爲聞不具足如來說十二部經唯信六部不信六部是故名爲聞不具足雖復受持是六部經不能讀誦爲他解說無所利益是故名爲聞不具足又復受是六部經已爲論議故爲勝他故爲利養故爲諸有故持讀誦說是故名爲聞不具足善男子我於經中說聞具足云何具足若有比丘身口意善先能供養和上諸師有德之人是諸師等於是人所生愛念心以是因緣教授經法是人至心受持誦習持誦習已獲得智惠得智惠已能善思惟如法而住善思惟已則得正義得正義已身心寂靜身心寂已則生喜心喜心因緣心則得定因緣定故得正知見正知見已於諸有中心生厭悔

悔諸有故能得解脫是人無有如是等事是故名爲聞不具足是人不具如是三事施亦不具施有二種一者財施二者法施是人雖復行於財施爲求有故雖行法施亦不具足何以故祕不尽說畏他勝故是故名爲施不具足財法二施各有二種一者聖二者非聖聖者施已不求果報非聖施已求於果報聖者法施爲增長法非聖法施爲增諸有如是之人爲增財故而行財施爲增有故而行法施是故名爲施不具足復次是人受六部經見受法者而供給之不受法者則不供給是故名爲施不具足是人不具如上四事所修智慧亦不具足智慧之性性能分別是人不能分別如來是常無常如來於此涅槃經中說言如來即是解脫解脫即是如來如來即是涅槃涅槃即是解脫於是義中不能分別梵行即是如來如來即是慈悲喜捨慈悲喜捨即是解脫解脫即是涅槃涅槃即是慈悲

喜捨於是義中不能分別是故名爲智不具足復次不能分別佛性即是如來如來即是
一切不共之法不共之法即是解脫解脫即是涅槃涅槃即是不共之法於是義中不能
分別是故名爲智不具足復次不能分別四
諦苦集滅道不能分別四直諦故不知聖行

合二

三

不知聖行故不知如來不知如來故不知解脫不知解脫故不知涅槃是故名爲智不具足是人不具如是五事有二種一增善法二增惡法云何名爲增長惡法是人不見已不具足自言具足而生著心於同行中自謂爲勝是故親近同己惡友既親近已復得更聞不具足法聞已心喜其心染著起於憍慢多行放逸因放逸故親近在家亦樂聞說在家之事遠離清淨出家之法以是因緣增長惡法增惡法故身口意等起不淨業三業不淨故增長地獄畜生餓鬼是名暫出還沒暫出還沒者我佛法中其誰是耶謂提婆達多瞿

伽離比丘剜手比丘善星比丘祇舍比丘蒲宿比丘慈地比丘尼曠野比丘尼方比丘尼慢比丘尼淨索長者求有優婆塞舍勒釋種象長者名稱優婆夷光明優婆夷難陀優婆夷軍優婆夷鈴優婆夷如是等人名爲暫出還沒譬喻大魚見明故出身重故沒第二之人深自知見行不具足不具足故未近善友近善友故樂諸未聞聞已樂受受已樂善思惟善思惟已能如法住如法住故增長善法增善法故終不復沒是名爲住我佛法中其誰是耶謂舍利弗大目犍連阿若憍陳如等五比丘耶舍等五比丘阿鞞陀羅童子迦葉摩訶迦葉十力迦葉瘦瞿曇彌比丘尼波羅華比丘尼勝比丘尼實義比丘尼意比丘尼跋陀比丘尼淨比丘尼不退轉比丘尼頻婆娑羅王郁伽長者須達多長者釋摩男貧須達多鼠狼長者子名稱長者具足長者師子將軍優波離長者刀長者無畏優婆夷善住

優婆夷愛法優婆夷勇健優婆夷天得優婆

夷善生優婆夷具身優婆夷牛得優婆夷曠

野優婆夷摩訶斯那優婆夷如是等比丘比

丘尼優婆塞優婆夷得名爲住云何爲住常樂觀見善光明故以是因緣若佛出世若不出世如是等人終不造惡是名爲住如祇彌

合二

三十六

魚樂見光明不沈不沒如是等衆亦復如是是故我於經中說偈

若人善能分別義

若能呵責一切有

若能供養無量佛

若受樂不放逸

親近善友聽正法

樂見光明修習道

大般涅槃經卷第三十二

合二

大般涅槃經卷第三十三 合三

藏三無識譯梵文菩薩觀同說靈運釋

迦葉菩薩品之三

善男子智不具足凡有五事是人知已求近善友如是善友當觀是人貪欲瞋恚愚癡思覺何者偏多若知是人貪欲多者即應爲說不淨觀法瞋恚多者爲說慈悲思覺多者教令數息著我多者當爲分析十八界等是人

聞已至心受持心受持已如法修行如法行已次第獲得四念處觀身受心法得是觀已則能無量世修道是人名爲如法住

禁菩薩白佛言世尊一切衆生悉有煩惱何

以故如佛所說三法和合名爲衆生一壽二煩三識若從是義一切衆生應先有煩云何如來說言煩法因善友生佛言善男子如汝所問有煩法者一切衆生至一闡提皆悉有之如我今者所說煩法要因方便然後乃得本無今有以是義故非諸衆生一切先有是